

*Christi
obediē-
tia est
efficacior
in pecca-
tis tollen-
dis, quā
Adā in-
obediē-
tia in
peccato
propa-
ganda.*

singulorum compensatur⁹. Sin unius hominis peccatum & inobediētia ab illo non esset expiata, jam certē nec ipsi⁹ obediētia perfectā foret & Adami inobediētia efficacior fuisset in condemnationem, quam Christi obediētia in justificationem. Id quod fieri potuisse negat disertis verbis *B. Paulus Rom. 5.* Quid ergo causę est cur quisquam à perfectissima Christi obediētia semet excludere, excipere, nec illā sibi asserere & vendicare animum inducat? Illud poti⁹ veniat nobis in mētem Christum eo consilio & fine semet humiliavisse factumq; obediētē usq; ad mortem crucis, hoc est, usq; ad maledictionem sempiternam, ut liberaret eos qui erant sub maledictione legis: in quorum numero sanē omnes sumus. Etenim cum nostri protoplasti divinam majestātē nefaria ambitione affectavissent, idcirco oportuit Christum hoc tale tantumq; peccatum extrema contumelia & exinanitione expiare, adeoq; ipsum anathema fieri, ut super omnes qui in Adam maledicti essent, veniret benedictio. UNDE CIMÒ, cum Christi regalis victoria, & triumphus omnem peccatorum multitudi-

**
Sicut ex
Adamo
maledi-
ctio, ita
ex Chri-
sto benedi-
ctio ad
omnes
perve-
nit.*

tudi-